

之見也蓋以西醫之今法攻諸中醫之古法乎靈樞有云頭為天谷以藏神髓之海者即西人主腦氣筋之說也  
 素問有云是人當肉燥者即西人所謂發炎症也且岐伯之言曰無盛虛無虛西醫加命之言曰治病不外二  
 端一補虛一去積其理尤可通也至剖視諸法內經亦曾言之攷之中醫如史記云俞附割皮解肌澆腸胃列  
 子云扁鵲剖胸探心互為易寬抱朴子言仲景穿胸而納赤餅後漢書華陀破腹而傳神膏他如大倉公解顛  
 而理腦徐子才剖眼而得哈古籍所載更僕難終中醫學失傳而西醫傳之中醫未學西醫學之耳又何疑於西  
 醫哉又何袒於中醫哉吾故曰欲葆民智宜貞民性宜固民命宜強民體欲強民體宜開醫  
 院夫醫地宵遠非一鞭之所及也眾院星羅非一蹴之所造也惟有募集義費先於省城拓一廣廈購置化學器  
 機精選西醫聘為院長凡有疾病者就醫院治之不住院者聽按日醫治病症方藥詳列清單分佈外府州縣推廣  
 時務學堂聰穎子弟中文通達西文詳明者徵入入院學習考驗有成酌予官銜發給文憑分佈外府州縣推廣  
 醫院教授生徒有能治疑難大症者著神效者明長官旌賞其功刊諸日報以廣見聞並兼教女醫以治婦科  
 胎產諸症如是期以三年精備工而空其羣植哲匠而物於國然後為甲令無文憑而擅治人疾者科以重罪  
 復命院中之衰然為舉首者考訂中國古書以西國之法發中國之理昌明醫學中外大同定開地球各大洲萬  
 國太平之會記曰凡民有血氣心知之性蓋必有血氣而後有心知也由是吾支那四萬萬眾不學其手焉其足  
 暗其耳其目其喉其咽其喉其心其腹而手足其耳其目其目其喉其咽其喉其心其腹其體強而命固命  
 固而性貞性貞而智葆學堂學會以隔之電線郵政以通之武備製造以練之鐵路輪船以羣之胥于是乎在豈  
 不盛哉豈不盛哉作開醫院說

川督奏摺

成都將軍兼署四川總督臣恭壽跪 奏為川省京協各餉需用甚鉅請援照成案再辦光緒二十四年按糧津  
 貼以資接濟恭摺仰祈 聖鑒事竊查川省咸豐年間需用浩繁不敷接濟經前督臣奏准接辦津貼每糧一  
 兩津貼銀一兩隨糧上納歷經戶部指撥京餉兵餉奏奉 諭旨准行在案茲據布政使裕長詳稱光緒二十  
 三年自開徵起至十月底止各屬徵解津貼銀兩均已撥解京協各餉及防勦京費之用統歸另案報銷至另取  
 捐輸釐金歷係供撥各省營協餉及本省勇糧均係隨到隨撥毫無積存綜計收支各數目仍屬入不敷出本年  
 奉撥京外各餉為數甚鉅若不預為籌備深恐貽誤需該司通籌籌畫擬請援照歷屆成案於光緒二十四年

再行勸辦按糧津貼每糧一兩仍收津貼庫平銀一兩於開徵時隨糧交納由司刊刻告示遍貼曉諭除川北川  
 南兩路酌留夫馬一二成仍准照章隨糧攤收外其餘各屬夫馬早已裁撤一切雜派經費一概禁革不准私立  
 名目派收絲毫如有不遵一經訪聞或被告發即行徹究辦所有地處邊瘠之汝川梓潼廣元昭化劍州蘆山  
 齊神松潘茂州岷邊屏山馬邊雷波峨邊石泉碭江理番石柱天全筠連興文高縣珙縣叙永永甯榮經大  
 甯清溪會理等三十餘州縣仍照章免徵津貼此外如有應行減免者自當隨時查明分別減免以示體恤至徵  
 收事宜局中薪水餉項運費分別程途遠近查照向章辦理不准格外加派累民仍俟收解齊全綜計銀數請加  
 中額以昭激勸等情請 奏前來臣查川省年收津貼歷經戶部指撥京餉兵餉等需此後源源接濟合辦津貼  
 而外無款可撥不得不援案辦理以免貽誤仍恪遵上年 諭旨隨時嚴飭各屬州縣實徵實解不准浮加分  
 毫及另有津貼名目如有前項情弊立即據實嚴懲懲辦以期仰副 聖主軫念民依之至意所有光緒二十  
 四年分撥案請辦按糧津貼緣由理合恭摺具奏伏乞 皇上聖鑒訓示謹 奏奉 硃批戶部知道欽此

撫轅批示

郴州民李盛恩呈批○大凡刁徒誣告丁役嚇詐必藉可乘之隙方能施其誣陷勒索之計據爾詞稱李松柏等  
 憑空捏控丁役人等於未訊之前嚇詐術規何已訊之後復能向爾勒索多賍爾如自問無虧又未收押豈肯不  
 即呈訴輒以如數付交查閱抄粘僅有李松柏原控呈詞及戶族公稟於該州判讞并未錄呈顯多不實不盡之  
 處惟控告賍數甚鉅指有過手稟據可憑虛實均應澈究仰按察司即飭郴州越日查明錄案先行據實稟覆核  
 奪勿稍徇護遲延切切詞粘并發仍繳○安化縣民曹用臧呈批○此案久經由府提審茲據呈稱伴作夏林供  
 稱蔣氏實係溺水身死等語核與縣詳迥不相符如果屬實當該前縣應令相驗之時該伴作何以並不據實  
 揭報殊不可解所呈是否捏情誣仰長沙府澈底審明詳辦詞粘並發仍繳

蔣觀察德鈞擬請改上海製造局為公司稟

敬啟者竊職道等遵奉 憲檄籌議職局移設湖南一事業經酌擬辦法稟復在案惟湖南分設一廠遷局照常  
 工作猶是權宜之計尚非經久之圖職道等愚見竊謂欲謀久遠須將上海一局改為公司所有地工廠料機器  
 準頭馬路鐵路等項切實估計統為股份若干外招華商股份全用商例聽其製造槍礮子藥與一切貨物而每  
 年所得之官利即以接濟分廠請言其利約有五端西例國家土地分割公司不變查馬關約臺灣條內注云所

有臺灣地方堡壘軍器工廠凡屬公物概行永遠割讓又聞上年十月間德人占踞膠州初將電報局奪取及中國電報公司與之理論德人即行交還並將所收電資如數退出是公物不可恃而公司可恃之明徵一利也現  
在滬局地工廠料資本雖鉅不能將本圖利若改公司則寸土片椽皆入股分以呆笨之物易為活便之資以母  
生子歲擅其利二利也滬局歲撥江海關二成洋稅銀六七十萬兩規模雖大經費實多若改公司以為民廠而  
江海關每年仍以二成洋稅之銀向公司定購槍礮子藥見貨買貨無一切員辦局用之繁費三利也既省繁費  
公款消滴皆歸實用則購辦槍礮自多四利也上年職局奉文歲添江海關銀二十萬兩雖取之六成洋稅洋藥  
釐金而該關撥款日多能否年清年款尚不可必若以公司之利息協濟分廠實為有著的款縱海關添撥之數  
稍或延欠亦不至停工誤事五利也凡此五利理所固然惟是職局開辦三十餘年委員司事多至百數十人遠  
近趨之若鶩一旦改為公司必不便私圖環生疑謗多方撓阻者自在 憲臺明察以斷如蒙 准行即當估  
定官本數目酌擬章程稟請奏明辦理曷勝翹企之至

徐大宗師按試寶慶府屬經古題并覆試經古題  
經學 何氏墨守公羊往往于傳所疑者強實之其中頗多關係試臚而折之 鄭注周禮多以漢制况周制實  
疏用鄭注多以唐制况漢制亦有鄭注已舉漢况周制復以唐况漢者試臚陳之 攷工首輪人說 通經致用  
論 史學 書史記平準書後 漢藝文志以職職入兵家說 說通史緣起 輿地 裴秀禹貢六法圖述義  
輿地 輿地學 古人最重周禮地官之圖之地圖或不同其用至廣試分別言之且以今之圖學比附  
之 近人謂吉黑兩省所防者不在與安嶺而仍恃黑龍江其得失安在 掌故 萬國公法義比春秋試廣證  
其例 擬設遊歷公會論 聯邦志畧書後 問德國占膠州青島其蓄意在於何時 詞章 王勝之讀通鑑  
一通賦 以題為韻 經濟科頌 觀海歌 南學會開講頌 欽定四庫全書著錄譯本賦 擬左太冲詠史詩 中  
經學 說洲 釋小 史學 君史民史辨 史記貨殖列傳為中國商學之祖論 光武禁奴婢林肯禁黑奴  
論 輿地 擬續纂海國圖志略例 南北中洋大軍論 荆州利盡南海說 大金沙江上游攷 掌故 中  
學 尊古西學尊今說 西人似墨近人類能言之墨子篇中亦有與西學殊旨者試分別言之 說鐵 中西金  
石異同攷 詞章 漢明帝賜王景山海經河渠書禹貢圖賦 以管修漢儀功 造書凡三人賦 以長梵次供慮 擬設  
郡城學堂啟

南學會問答 吳煥卿問 地球教主不一今日之教惟天主耶穌偏地球中國四萬萬之民向尊孔教至  
今日徒有尊孔教之名而無其實徒論天主耶穌之是非而不知其所以首在保護外教欲延中國歲月四萬萬  
如保護外教免生岬岬昌明已教以保族類波蘭之滅令人寒心其所以首在保護外教欲延中國歲月四萬萬  
眾庶幾日開其智或者免其分割亦未可知 答曰保護外教免生岬岬昌明已教以保族類云云所見極精易  
勝欽佩中國名尊孔教而實不曉孔教之大何暇論天主耶穌之是非今先講求孔教義理以開民智庶不至為  
波蘭之續否則真有寒心者矣 湘潭邱惠傳問 凡事師強不師弱理最易明今中國取法泰西俄國轉崇孔  
教是一師強一師弱孰是孰非孔教是內聖外王之道固足以強國奈吾儒不能以實力行之以至積弱然俄未  
必遽能知之殆善於取法不以大自恃將補其不足耶抑別有他意耶 答曰既知孔教是內聖外王之道足以  
強國不得以俄為師弱矣俄本近亞洲其先習俗衣冠皆同中國自彼得始改用歐法故其國中本有孔廟有能  
從孔教者至今日俄人讀中國書學中國語言文字則是將欲取之必姑與之之意未必真崇孔教  
韓人私議 九州日日報云韓國獨立協會會員等三月十二日大會六矣館演說曰俄之財政會計官及武  
備教官須急放逐矣俄人之要挾決莫輕諾矣木浦鎮南浦之俄人悉可排擯矣若有斥全國民人之公論而媚  
俄國者無論何人不可許之云云  
英俄新艦 大阪每日報云俄國此次新派遺軍艦於東亞已抵長崎者名魯西亞號帆船三本烟筒四管  
載一萬二千一百三十墩速力二十海里此俄國之第一巨艦也英國新派軍艦巴和不兒號載一萬五千墩亦  
已由香港抵長崎  
築路近聞 某西報云二三年前印度興築猛太以共龍州鐵路往來中國南方及英國屬地緬甸之東  
北境并大西洋國凡從前雲南省所產之物運赴香港及由越南東京鐵路運赴西貢者此後皆可由此路進行  
然則此路一成西貢將失其利而緬甸必獨占利權矣  
添設電線 京信云張家口至恰克圖四千里之遙向無電線往來未免消息阻滯因此總署已派有委員  
人等暨立電線先至庫倫而止後此段事然後再由此處接至恰克圖統計大工約須一年可以一律通達矣  
英廠情形 英國製造工匠挾制停工與廠主為難已逾數月其患更甚於印度之亂緣該工人等每禮拜  
例作工五十四點鐘者欲改為四十八點鐘而工價則不准減廠主雖有數家應允而大半固拒此請謂目前謀

利維艱加以他國工廠爭勝若允此舉日後必受其害相持不下商部總董曾出而調停兩造均不聽當此時英  
國工廠受累而德比法等國收其利蓋罷工黨雖強富勢不能一時聯合他國工人也英國所造船艦以罷工故  
須後期一年沙當泊利母波脫母許等處大船廠所造鐵甲巡艦水雷艦等甚形遲滯而有數廠竟致全行  
停工若再過數月英國海軍將稍損其上等聲望矣蓋富強大國宜常保存其船廠機械局務令所造迴勝他人  
關係誠非淺鮮再罷工以來工黨與廠主所費已七十五萬磅若延至耶穌復生節期所費當不下二百萬磅  
時事雜抄○俄調軍士十三萬人駐紮大連灣○日本由廣島添兵一萬四千名用兵輪載往威海衛登岸  
○俄人既機旅太宋慶退紮營口○英兵船北上聲言爭回旅順而陰以占據吳淞長江為退步張香帥約盛京  
卿電請總署先以舟山相贈○恭邸稱疾甚篤○盛京卿奏辦北方恰克圖電線招股五十萬兩擬以八萬圓招  
湘中股分○俄派巡撫一人係前在北京俄公使署中者撫治旅順大連灣百姓  
不纏足會紀聞○新化會茂才繼輝倡辦不纏足會勇猛堅忍手搗論說多篇沿門勸諭不憚笑罵通縣紳  
商大家悉為所感其頑梗未化者僅二團耳又邵陽石拔萃乘鈞糾集董事數百人大會於縣城隍廟并請縣官  
出示嚴禁雷厲風行又武岡唐茂才鑑袁茂才灼等亦策刻有論說一集力以開化為任又瀏陽湯茂才紀彝等  
設立分會入籍者已數百家矣

- 捐助南學會書籍題名
- 蔣觀察德鈞劉觀察麒祥熊庶常希齡續捐入
  - 格致啟蒙 四本 礮乘新法 六本 輪船布陣 二本 行軍測繪 二本
  - 八線簡表 一本 鐵路記要 一本 礮藥記要 一本 前敵須知 五本
  - 電源錄金 一本 工程致富 八本 營工要覽 二本 船塢論畧 一本
- 不纏足會助贊諸君續題名
- 張通典字伯純湘鄉人捐銀拾元 劉國祉字介繁湘鄉人捐銀拾元 李光襄字笠茵湘鄉人捐銀貳元
  - 王德齡字芷仙益陽人捐銀貳元 張通謨字仲純湘鄉人捐銀壹元 蕭貽瑗字韞山湘鄉人捐銀壹元
  - 唐才常字佛慶瀏陽人捐銀肆元 曹廣霖字福田湘潭人捐銀肆元 陳希哲字葆欽湘潭人捐銀貳元
  - 盛祖炎字壽山善化人捐銀壹元 劉善滋字湘葉瀏陽人續捐銀貳元

三月二十九日日用各物時價表

物名	每實	價值	比較	物名	每實	價值	比較
銀票	兩湘平	一千三百四十八文		銀圓	每串十足	七錢五分 湘平	九百十五文
上白米	石	三百三十分		次白米	石	一百五十二分	七錢八分
中白米	石	三百三十分		河東米	石	一百二十四斤	一千二百文
洋米	石	三百三十分		淮鹽	石	一千五百八十分	一千五百八十分
茶油	石	一千六百五十分		菜油	石	一千五百八十分	一千五百八十分
油	石	一千六百五十分		桐油	石	一千五百八十分	一千五百八十分
牛油	石	一千六百五十分		木炭	石	一千五百八十分	一千五百八十分
中印折表	石	一千六百五十分		下棉花	石	一千五百八十分	一千五百八十分
三印折表	石	一千六百五十分		二印折表	石	一千五百八十分	一千五百八十分
煤	石	一千六百五十分		吳庄紙	石	一千五百八十分	一千五百八十分
石	石	一千六百五十分		石	石	一千五百八十分	一千五百八十分

儒醫

瀏陽陳隱庵夫子序名謙精岐黃術住  
求忠篤志二齋一號 同門公白

時務報伍拾冊股票

六月內出書 股票賣至端陽止  
官堆 貳串捌百  
杭連 每部叁串 文  
毛邊 貳串

王壯武公全集

湘報第三十九號

公為中興儒將用兵如神是稟稟臚書札及練勇劄言等  
共念四卷皆談兵者不可少也  
寄南陽街官文書局發售



# 朱子語類日鈔五卷

番禺陳澧編  
每册取紙本大錢八十文  
寄售 共賞書局  
藝學堂官書處

# 真人丸藥局

開設省垣走馬樓精探上品藥材專製丸散  
膏丹六種藥酒擇於本月二十九日開張

# 廣豐森綢緞洋貨布莊

開設長沙大西門專辦綢緞大呢洋  
貨彩標加樂緞青棉夏布疋俱全

# 濟世良醫

昨閱二十六日報章見胡藍兩君將友人劉君紹輝醫學登之報端  
其濟世不勝欣喜劉友之醫余曾屢延屢效并見活人頗多特早勸其  
行而未應耳茲兩君業已勸出想濟世之功當復不少也 王禹門啟

# 推算易經命理

炮坪張會仙館精通河洛理數吉  
凶禍福准驗如神 同人代白

# 印送不纏足歌

凡欲閱者請至南正街翁宅領取

湖南宜善於守舊說

武陵戴德誠撰

瓜分懸圖於西肆兵輪旁午於洋面於此時言新法豈不悲哉然而咸屬望於湖南者謂其向舊今新必其蓄志  
堅而漲力大也察湖南之行新法其議論猶水火而弗能平其情誼猶秦越而弗能愜於是孤憤之士又悄悄以  
湖南守舊為憂戴德誠曰湖南之守舊善庶幾其不亡乎夫天地之道不生不滅不減不增安有舊名哉舊則其  
芻狗耳其筮蹄耳棄取而守之舊之可守云者亦守其理非守其迹云爾老彭之所抑揚孔子之所損益無非  
新豈劃然為二哉且守者生人之義也有一身則守一身有一家則守一家有一國則守一國然守必有法法必  
合羣一身不能守則合一家以守之一家不能守則合一國以守之今昏聩亡精顛靈反氣痾癘弗覺呼籲弗聞  
直陳死人耳豈能責陳死人以守生命哉是故中國言守舊東西各國亦有之或為保黨或為公黨或為漸進黨  
或為改進黨其執政以類從其職事以黨別豈必苟同哉要其眼光心血注於仁民愛國之大端而已其於舊也  
以有為守之非以無為守之以實力守之非以虛言守之假如新創一物一器以利民生或曰不實必陳一說以  
爭之爭之不得必別創一物一器以求勝之新立一會一堂以開民智或曰無效必舉一策以球之球之不得必  
別立一會一堂以求勝之斯之謂善守舊矣昔謂西教尊上帝其政則尚人為吾教重人倫其政委之天命是故  
泰西天演學家喻物競言天擇皆力矯任天為治之末流而中國之為老氏學者曰知其白守其黑知其雄守其  
雌納世界於幽冥化靈雄為元化是猶恐天柱之傾而故觸之恐地維之折而故鑿之也豈為善守舊哉且夫析  
理不精惡新如蟹猶自以為善守舊者其禍至於亡國而有餘德誠嘗沈思孤往上海露而無天下嶄嶄而無地  
慨乎墨西哥古城文字不知湮滅於何年陵谷滄桑豈有極其載籍可徵者如印度如波斯如巴勒斯坦皆以  
自創政教而舊制廢微如歐羅巴如米利堅如日本皆以政教師人而舊具寢熾希利尼因埃及開化而與耳文  
明僅先於歐洲其盛極而衰也亦然豈天之遺故喜新而厭舊哉母亦命為舊國者自居文明而視人為蠻野因  
之自墮於蠻野而甘墮人以文明欺他不具輪希利尼之衰也醉飽酣嬉恬惡崇侈其流極也廉耻道亡微歌選  
舞者備如所始遠底士亦不以為非以故費而內之命屋未頹而亞歷山大之軍已至矣舊國亡家如操左券豈  
獨為希利尼悲哉吾中國所守之舊近五千年矣西書謂古實子孫中國與埃及同祖其說荒誕不足憑然埃及  
固數千年前大國也迄今草木蕭條碑斷豈其尤甚者溷人道於馬牛伍明神於蛇蝎吾不測其何由逮茲  
令我神靈子孫願不痛日失本質至有若埃及之溷牛馬伍蛇蝎者豈不深悲豈不奇懼然則徒知其為舊而